



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Annvs Diervm Memorabilivm Societatis Iesv. Sive
Commentarius quotidianae virtutis, notabilem vnius, vel
plurium in Societate vitâ functorum, virtute quapiam
insignium memoriam in menses diesque ...**

Nádasi, János

Antverpiae, 1665

V. Die Decembris.

urn:nbn:de:hbz:466:1-9625

V. DIE DECEMBRIS.

P. ANDREAS
GVALDANES.

5. Decemb.
Lustranus
Mazua.
1596.

HVnc hoc die collocat Iacobus Stratus in suo menologio. Fuit P. Andreae Ouedo Patriarchæ superstes, olim socius, vir sine dolo, ac in Abyssinorum salutem totâ contentione intentus. Vnde intra quinque mensium interuallum, eorum linguam perdidicit, & institutiones ac documenta fidei Christianæ Abyssinorum idiomate scitè descripsit, ad Schismaticorum reductionem. In Mazua deinde Arabici sinus insula, cum Christianum, & quidem Sacerdotem, eum esse agnoscerent barbari; à Turcis Christiani nominis odio incitatus tentus, & hastis transfixus est.

S I M O N
COVROYBLE COAD.

Belga Bru-
gis. 5. Dec.
1616. ætat.
46. Soc. 13.

Cassitas.

Obedient.

Peleutherij Pontani sororis filius, à paupertate, assiduitate ac pierate apprimè laudatus. Cum Patris cuiuspiam confessionem foris audientis esset socius, impudens fœmina clauso repente ostio ausa est à Simone impuritates nescio quas postulare: sed, Bernardi exemplo, castissimo clamore in ruborem, ac fugam data est. Ad æs campanum domesticum in ipso sonantis horologij articulo confestim pulsandum, erat apprimè attentus; ut & domi disciplinæ ordo seruaretur ad punctum, & foris apud externos ad signa nostra perattentos bonum Collegij exemplum perseueraret. Magnâ & suauî industriâ iuuabat eos, qui fi-

dei Christianæ rudimenta variis locis tradebant, & paruuli ad illum patrem confertim præ aliis affuebant, cuius socius erat Simon. Eius colloquia cum exteriùs intra sui status conditionem erant sancta, & idonea cordibus molliendis. Cum in Burgensi Collegio habitaret, duo Coadiutores erant (ut alios alibi plures taceam) qui, secundum Deum, illi referebant acceptam vocationem suam. Nomen verò illius apud ætatem teneram, ac alios tam erat gratum ac celebre, ut Coadiutores nostros passim *Simones* dicerent, ac si Coadiutor quispiam adesset, Simonem adesse nunciarent.

Pia collo-
quia

P. OCTAVIUS
BONINVS.

Siquid ambiguum incideret, expensis utriusque partis momentis introspiciebat, ecquid è maiore Dei gloria videretur, ac illud constantiâ & reuerentiâ mirabili amplectebatur; semper in ea quæ Dei sunt magis accuratè agenda intentus. Nouitiis cum præesset, magnam noctis partem orando ducebat, & concepta istic bona desideria & proposita sæpius interdum regustabat, in sacro potissimum ac in diuino officio recitando. Sæpè illi in ore illud Christi: *Quid prodest homini si mundum uniuersum lucretur, anima vero sua detrimentum patiatur!* Hoc, & his similia æternitatis apophthegmata vesperi relegebat, & cum vestes deponeret cubitum concessurus, identidem repetebat, ad æterna principia & aptè deducendas ex iis practicas conclusiones continenter attentus.

Italus Ro-
mæ. 5. Dec.
1658.

Oratio.

QQq 2

Quic

Sacrum.

B.V.

Habilit.

Oculi.

Quicquid agendum erat, circumspē-
 ctabat omnia quæ rem illam circum-
 stant, & quicquid ad meriti maioris
 accessionem spectat industriæ, adhi-
 bebat; ne quid boni lucri omitteret.
 Cum in mensæ lectione anagnostes le-
 gisset quanti momenti, meritique sit
 diuino sacrificio interesse, nitentur
 plura sacra audire. Indulgentias nul-
 las, quas quidem sciret, negligebat.
 Paruulam è collo corollam sub veste
 gestabat, cuius granis adnumerabat
 actus virtutum quos ipse sibi præfixe-
 rat: & corollam illam *panem suum quo-*
tidianum vocabat. Etiam scripto ro-
 gavit Superiores, vt quicquid in illo
 aduerterent, admonerent. Nullum vl-
 lius obsequium circa cubiculi curam
 admisit. Ad ignem nullo frigore per-
 pelli potuit vt manus, licet perfrigidâ
 hyeme tumidas, calefaceret. Cum alia
 excusaret, si quid tamen contra Supe-
 riores dici audiebat, eo arguebat. Ocu-
 los habuit planè in potestate, maxime
 vbi cum fœminis erat agendum. Cum
 nobili quadam fœmina per annos plu-
 res persæpè locutus, illam in facie
 nunquam vidit, solâ voce illam nosse
 contentus. Aliam quâpiam cuius ille
 conscientiam virtutemque singularè
 pernôtat, rogauit vt ei lumen à Deo
 impetraret. Paruit illa: & P. Octauio
 scripsit, illum à Deo ad Societatem
 non tantum communi omnibus aliis
 sine vocatum esse, verum etiam vt ani-
 mas, & particulatim eorum qui sunt
 de Societate, rectis itineribus ad Deum
 dirigeret. Atque hoc in eo elucebat
 seu Nouitios, seu tertia Probationis
 Patres, seu Collegia regeret. Vnde
 nobili Rectoris exemplo alij etiam fa-
 cile ducebantur, nullo cuiusvis autho-
 ritatis obtentu. Exhortationes quas
 ad Socios domi dicere parabat, P. Spi-
 rituali suo primum ostendebat, roga-
 batque vt calamo quoque admoto ex-
 pangeret ex iis quicquid vellet: id

quod vbi factum videbat, tum verò
 eas eò libentius pronuntiabat, tanquã
 diuino iam calculo approbatas. Cui-
 dam è sociis adolefcenti scrupulis agi-
 tato, & ad dies aliquor abituro, idque
 agrè ferenti quòd à Patre Spirituali
 abesse deberet, ac viuere anxius in
 suis illis curis & spinis, eam pectoris
 partem qua cor est cruce signauit, &
 bono animo ire iussit: nec enim quic-
 quam à consuetis illis suis tricis mole-
 stia habiturum. Abiit alter; & per
 eos dies tranquillus vixit. Eidem à
 tot conscientie terribulamentis postea
 libero dixit P. Octauius; magni face-
 ret illas molestias à Deo sibi datas, quò
 ipse quoque opem ferre possit aliis il-
 lum in illo genere consulturis: id quod
 etiam euenit. Nobilem virum in se-
 creto conclaui adiit, & depromptâ è
 sinu Crucifixi Christi effigie. supplex
 proiectus in genua, ea illi dixit, vt cum
 licenter hactenus viuente ad frugem
 reduceret. Quadam in vrbē cum fœ-
 minæ se *yanè* seu impudenter nuda-
 rent in pectore, varios diuersæ condi-
 tionis homines clam, & dextrè inter-
 rogauit an obsceno illo spectaculo ad
 impudicas cogitationes &c. se magno-
 perè commoueri sentirent; cumque
 omnes ita se commoueri responde-
 rent, egregiâ Patrum eius Collegij
 conspiratione illo aditente, factum
 est vt illud scandalum tolleretur;
 maxime cum Confessarij in id vni-
 mitate sanctâ conspirassent vt parum
 pudicè nudatas id genus fœminas
 (tanquam grauias & perpetua scanda-
 la oculorum) à peccatis nemo absol-
 ueret. Et industriæ felix euentus ex
 voto respondit. In Romano Collegio
 Præfetti Spiritus munus obibat Octa-
 uius, cum sanus tum adhuc, & valens
 rogauit quendam, vt in cubiculo suo
 libros componeret: atque subridens;
 volo me, inquit, præparare ad mor-
 tem: & meo successorij composita om-
 nia.

Scrupulis

Zelw.
anim.

Mort.

dia relinquere. Breui post aeger ad valetudinarium abiit, vbi morti iam vicinus a socio illo rogatus num tunc de sua morte aliquid sciuisset, cum de componendo cubiculo suo loqueretur respondit: Aliquid se sciuisset. 5. Decembris extremis iam mysteriis procuratus cum minore scholarum campanam audiret, Patri qui ei aderat, adhuc, inquit, mihi superest media hora in vita. Et verò mediâ horâ post pacatè migravit à vita, nullius vnquam grauioris peccati reus; vt firma opinio est.

P. STEPHANVS

STAROSCIRISKI.

Fuit P. Stephanus cum inter mortales ageret Ecclesiastes, ac excursor ad animarum quæstum percellens. Hic post mortem peste obitam, secundum quietem cuidam Patri in Suecici carceris squalore iacenti apparuit, vt fama est; monuitque vt æternam vitam per patientiæ lucra cõtenderet adipisci. Ad eò ille ne post mortem quidem desit Ecclesiastæ fungj officio.

Polonus
Choyneij.
5. Decemb.
1656. ætat.
50. Soc. 19.

Disce à
mortuo.
Patientiâ

VI. DIE DECEMBRIS.

P. IOANNES

METELLA.

& P. LVDVICVS
MATTHÆVS POLINGOTTVS.

6. Decemb.
Lustranus
Metseigã-
mæ. 1616.
ætat. 32. Soc.
18.
Alter Italus
ætat. 38. Soc.
13.

Cvm in Matteigammenfi Ceilani Regni oppido laborarent fideles hi Euangelij satores, Gandiani milites amore suæ sectæ ac suorum sacrificulorum (quibus horum præsentia officiebat quàm plurimum) odioque fidei, & illorum qui eam fidem prædicabant accensi, eos lanceis confixere, ac recisa eorum capita palam hastilibus affixa proposuere spectanda: cadauera verò ad Crucis pedem abiecte.

P. FRANCISCVS
COSTERVS.

Belga Bru-
xellæ. 6.
Dec. 16 9.
ætat. 88. Soc.
67.

AMatre in ipso partu Deiparæ dedicatus, illius honorem, & amorem libris, concionibus, Congregatio-

nibus, cultu priuato & publico propagauit. Rogatus quis cultus Dei matri esset gratissimus, respondit: *Constant, quantumuis exiguus.* Ipse per illum à Deo in Societate constantiam petebat rosario quotidie recitato. Ille primus in Prouinciis, quas gubernaui B. V. sodalitates erexit; & Colossi prophani loco Antuerpiæ Deiparæ statuam in curia poni curauit. Vbi, vbi eius videbat imaginem, aperto capite *Aue Maria* dicebat: id quod fecit, & moriens eius miracula libentissimè narrabat, & audiebat. S. P. Ignatio Romæ charus, ab illo *humilitatem, obedientiam, & perpetuam quandam letitiam*, sibi commendatam fuisse aiebat: & verò seruabat. Per 67. annos in Societate ultra communem præscriptam omnibus surgendi horam somnum protraxit nunquam. Ager nunquam fuit, nisi extremo in morbo. Virginitatem perpetuam perpetuâ corpusculi afflictatione seruabat cautus, & seuerus in se; licet fassus aliquando sit, se nullâ fœdâ cogitatione vnquam tentatum.

27.

Vocatio.

Mant.

Casitati

QQQ 5

Itinera